




太上三五交乾步綱籙

大道弟子年若干歲幾月生出行已
來精神薄弱恐不免災厄今收除邪逆惡人
鬼賊即日聽署三五交乾六紀翻天倒地百
鬼逃亡精鬼魔滅三五所指鬼當自死急急
如律令



保舉
監度
度師

四斗二十八宿天帝大錄



大乘妙林經卷上

與一

序品第一

元始天尊時在不思議山七寶城中元陽宮
內師子座上八威備衛端坐闕居身心不動
經七小劫不起于座放大光明遍照十方无
量國土微塵世界无不遍及時彼三千大千
世界无量國土諸仙真聖洗然驚歎異口同
音俱發聲音咄哉彼土大德天尊以何因緣
放布有光奇特妙相時諸三千大千世界微
塵國土諸仙聖眾遙望山中光相挺特妙麗
希有无以為喻馳誠欣慕口不能言咸欲就
往爾時天尊安庠動念以他心智遙觀彼土
他方聖眾心意虔恭是諸聖眾純是上士悉
堪受度因發大聲告諸十方无量國土汝等
真士宿植德本純一无二是我真子堪持寶
藏我今欲入長樂妙土汝等真士乘我希有
微妙光明俱來法座值我今日難勝之法爾
時十方微妙世界无量國土他方聖眾聞是
聲音心大歡喜普乘神光飛空越谷皆悉上
士尋光而來是諸大眾煩惱已空明了法性

其字曰淨行真人妙相真人寶光真人曜明
真人辨才真人普等真人聖行真人遍通真
人德滿真人度命真人懋濟真人導師真人
善愛真人達相真人高上真人勝意真人開
明真人守藏真人護持真人等觀真人寂定

真人无碍真人凌空真人常念真人化通真
人善變真人靜定真人妙光真人妙花真人
大慈真人慧明真人寶蓋真人等諸大衆无
量真人與諸徒從并及无量天龍大力神王
无鞅數衆細雨密霧一時俱到不思議山園
繞三帀瞻仰天尊安庠雅步稽首禮足問訊
畢即依位而坐爾時天尊以大慈心熏備大
衆微聲唱言子等真士於无量劫衆善普會
致於今日值希有光得親難勝未曾有法普
來集會不可思議我今欲入長樂妙境汝等
真士若有所疑恣來啓問於是淨行真人即
從座起正巾欽褐長跪稽首曰
天尊言我今等衆乘希有光欲有所問若垂
聽許乃敢諾陳
天尊告曰淨行真人子今善能爲衆開發諮

請法相恣汝所問勿自疑難吾當爲汝分別
解說決了所疑於是淨行既蒙聽許心意踊
躍歡喜无量白天尊言如是身相大光普遍
妙嚴希有光相挺特超百千日不可思議我
自思惟如是身相希有難思若有衆生見斯

光者即名真士能見諸法不壞眼根

天尊告曰淨行真士實如所言我今身相有
无量光名无量義若有衆生能見我身微妙
光明即得眼根通達明淨能了諸法觀諸法
性相湛然不壞世法而得真相又我身相
有無量光名無量義若有衆生能聞我身微
妙光明即得耳根通達明淨能了諸法聞諸
法性性相湛然不壞世法而得真相又我身
相有無量光名無量義若有衆生能觀我身
微妙光明即得鼻根通達明淨能了諸法嗅
諸法性性相湛然不壞世法而得真相又我
真相有無量光名無量義若有衆生能言我
身微妙光明即得舌根通達明淨能辨諸法
言諸法性性相湛然不壞世法而得真相又
我身相有無量光名無量義若有衆生能觸

我身微妙光明即得身根通達明淨能覺諸
法知諸法性性相湛然不壞世法而得真相
又我身相有無量光名無量義若有衆生能
知我身微妙光明即得心根通達明淨能了
諸法悟諸法性性相湛然不壞世法而得真

相淨行真士我今身相无量光明假使盡諸
十方三千大千世界碎爲微塵一一塵中復
爲十方无量世界又復碎諸无量世界皆爲
微塵以此塵數比我身光千億萬分未得其
一是故十方无量國土若有衆生遇斯光者
即得身中六根明淨通達无尋能了諸法性
相湛然不壞世法而得真相以此光明莊嚴
一切无量无边微塵世界一切衆生皆悉成
就无上正真金剛妙相光明功德不可思議
終劫說之亦不能盡於是淨行并諸大衆聞
天尊說微妙光明利益衆生无量无邊俱發
聲音歎未曾有大德天尊微妙身相光明大
藏福惠莊嚴實无窮盡是時妙相真人聞天
尊說法身微妙光明特甚天上人間未有斯
匹前進稽首曰天尊言大德天尊我今所見

天尊身相大光普遍諸微塵界他土大士十方聖眾俱來集會欲聞要言未審今會不思議城希所常有天尊所演光相微妙无上法輪今之所說當何名號唯願解說了所疑今此眾會得賜篇目心意泰然功德无量爾時天尊欣然悅豫歎妙相言善哉善哉妙相真士善能達觀諸法性心意無導故能為眾諸請要言子等諦聽我今為說微妙難思未曾有法自昔以來為眾開演未如今日大光普照他土世界微塵聖眾俱來集會不思議山聞此勝法我所說无上尊經名為妙林亦名勝習子等諦思无上大乘微妙經典若有一人聞此經名一心信受思念恭敬尊重讚歎解其義味為人演說稱揚大道當知是人曾於无量億劫之中已種善根功德成辦故於今日得聞大乘微妙經典此人即是一切眾生大慈悲父開悟一切為眾導師世間眾生當於此處勤種功德能以一心不生懈退是人所得大乘功德无量无邊不可稱說假使盡諸十方三千大千世界一切草木寸斬

為善以此善算其人功德亦不能盡是故汝等俱入寶城聞此妙林大乘名字必得上道入於長樂常住妙土功德巍巍與我無異是時大眾聞說經名一時開悟舉手彈指稽首稱善於是寶光執笏安座前進作禮上白天尊臣以有幸得預斯集向聞所說微妙大乘秘要經典所說經名妙林勝習子等下愚未能自了不審天尊以何義故名此尊經為妙林邪願為解說示以要言令眾曉悟饒益一切決了所疑天尊告曰寶光真士乃於今日能發大慈為眾諸請真實要言開悟將來不可思議汝今復座吾當為汝分別解脫令眾得明開悟將未使得安樂我今所說大乘妙林无上尊經功德无量不可思議猶彼寶林能生果實資益一切食此花實身相金光无不微妙人聞此經一心聽受得其義味智慧圓明身相微妙以是之故與彼无異又彼寶林根株葉葉悉是真文微風一動能發洞章聲音微妙若得聞者了悟道我今法相如彼妙林若有眾生微心一感現以聲教聲音

微妙若有聞者即得正真以是之故與彼无異又彼妙林莫知本始劫劫常生種類不絕我今法相如彼寶林莫知本始劫劫出現種性不絕以是之故與彼无異又彼寶林枝條覆蔭三千世界无不周遍我今法相德蔭三千大千國土彌羅无外以是之故與彼无異又彼妙林无心隨順從風偃仰假有霜雪不能凋殘我今法相亦復如是无心善順物感常道假有煩惱三塗惡報莫能傷害以是之故與彼无異諸微塵土一切大眾見我光明難勝希有越空赴谷俱來集會不思議山習我勝因聞斯要訣諸求大眾聞此大乘智慧日新功德无量以是之故亦名勝習寶光等眾无量无邊聞此要言咸皆開悟同時行禮稽首稱善於是寶光而說偈言

善巧无上大悲尊 不捨四度眾眾生
示現端坐不思議 放大光明照十方
微塵國土无邊眾 俱見法身微妙光
大眾純一无上士 堪持妙林希有經
他心了達无邊境 高聲唱言真實寶

(108) A. 117-3

我今欲入長樂土 故命時衆來受持
 衆等同闍大歡喜 飛空越谷一時臨
 煩惱已盡皆自在 明了法性大衆門
 圍繞瞻聽忘疲厭 安座前進禮天尊
 大悲熏修无限量 唱說時衆久行因
 故得聞今希有法 善哉集會不思議
 功圓行滿入長樂 告衆疑問在今晨
 故得慧明无上士 淨行正念動三千
 乘斯大會希有座 告令疑網任諮陳
 既蒙聽命勝所請 進前敢言希有光
 大悲善巧說身相 无量光明奇特尊
 過得斯照六相淨 不壞世法即真身
 假今微塵諸世界 細末盡數不能量
 又有久脩真大士 號曰妙相問經名
 故得大慈降法雨 篇目名字總披陳
 若得遇聞此名號 功德福惠悉莊嚴
 假令三千諸草木 寸斬算數不能知
 我亦乘今无上惠 更問經名義云何
 既蒙法王无上訣 名義諸疑悉已除
 我等時衆同斯集 自慶得聞妙林經

故得上登无極位 一切衆生離苦塵
 寶光等是時大衆聞說偈頌已心大歡喜咸
 皆開悟一時稽首復還本座

觀真相品第二

爾時曜明真人前進稽首白天尊言我等時
 衆聞天尊說微妙光明希有難值若後有人
 遇斯光者即得六根通達明淨不壞世法而
 得真相以下愚未了斯義不審世間及以
 真相為一相邪為異相邪若是一相何以名
 世若世是真何名真若異相者既得真相
 云何不壞世間不壞云何得真世間不壞而
 得真者譬如種子種子不壞芽莖花實從何
 而生如是二趣實未能了願垂旨訣得擇所
 疑天尊告曰曜明真士善能方便為諸衆生
 訣此疑惑子今復座吾當為說子今所問世
 間真相為一相邪為異相邪今當問子子之
 所見為法見邪為相見邪曜明答曰大德天
 尊世間真相有法見邪有相見邪
 天尊答曰曜明真士真相世間本无差別衆
 生所見未能通達但觀其相未能見法是故

分別世間真相其相不同今以慧眼觀世間
 相即相是真能了真相名為見法以是之故
 不壞世間而得真相曜明又問大德天尊不
 壞世間而得真相未審世間以何為相而言
 不壞即是真相天尊告曰曜明真士世間相
 者即是无明貪着愛見瞋恚愚癡等諸煩惱
 是世間相曜明又問大德天尊无明貪愛瞋
 恚愚癡等諸煩惱是世間相既言不壞即得
 真相是則真相猶有貪愛既有貪愛是真何
 須說言斷諸煩惱而得真相天尊告曰曜明
 真士實如所言不斷煩惱而得真相今言斷
 者為諸衆生未能見法唯見无明貪愛愚癡
 瞋恚煩惱故須說斷而得真相若人能知煩
 惱性空本无貪愛无明永淨无法可斷以是
 當知不斷煩惱而得真相真相无相无相无
 得无明无法无法无斷无斷无得名斷煩惱
 无得无斷名得真相以是當知不斷煩惱而
 得真相曜明又問大德天尊真相煩惱既无
 二相无二相故言得真相何以不言煩惱真
 相无二相故言得煩惱天尊答曰曜明真士

如向所說是有二種一者相見二者法見法見之人言得真相相見之人言得煩惱以是當知法見之人常觀妙本故得真相相見之人常觀緣迹故得煩惱若人能知煩惱性空未嘗有法從迹觀本名得法見若復有人无明闇蔽唯見煩惱从^{*}无明見名為真相又語曜明若復有人見有煩惱又有真相煩惱真相皆為煩惱若人能知此煩惱不異真相真相无相煩惱真相名為真相又語曜明子向問言譬如種子種子不壞芽莖枝葉花實等從何而生吾今問子種子壞邪芽實生邪種子若壞壞則无因无因有果斯无是處芽生種壞壞則不生壞為生因亦非是處以是當知種子芽莖枝葉花實非生非壞非因非果非不因果煩惱真相亦復如是非前非後非一非異非不一異又語曜明汝謂種子壞乃芽生今又問子種壞芽生壞時生耶未壞生耶壞後生耶壞時生者以壞為生則不生而生而壞者以生為壞壞則不壞云何種壞而得芽生譬如陰壞身則不生无陰有身則則

不然以是當知種子既壞芽則不生无種有芽理亦不然是故我言壞則不生若有說言壞時生者與壞同體云何得生譬如一身諸根同體云何頭壞而得足生頭壞足生理則不然以是當知種子壞時芽則不生生理同體理亦不然是故我言壞時不生壞後生者生滅相離云何為因譬如敗種種已先滅滅即无芽云何芽後從敗種生以是當知壞後不生壞已芽生理亦不然是故我言種子壞後芽亦不生又語曜明種壞芽生生壞一耶生壞異即生壞一者壞則相違云何同體滅則不生云何壞生則不滅云何生壞異者異則非因非因生果理則不然譬如虛空非兔角因虛空非因生兔角果理則不然以是當知異亦不生云何有生又語曜明未壞生者是則種子體中未變未變芽生芽生則无因无因有果无種有芽理則不然猶如无形影則不生形若未生有影生者當知此影不從形生譬如麻子麻子未壞油則不生以是當知未壞不生云何有生又語曜明壞後生

者彼種已滅滅則无因滅後生芽此芽始生則非果彼種滅已有芽生者理則不然猶有无乳酪則不生若无彼乳而有此酪是則酪有不從乳生以是當知壞後不生云何有生捨求生相畢竟永滅不可得故是故無生爾時辯才即從座起安庠而進白天尊言我自思惟一切象生飄浪生死皆由无明貪著愛見我又思惟愛見无明從何而有致令象生飄浪生死是生死本從心生耶從眼生耶從耳生耶從鼻生耶從舌生耶從内生耶從外生耶從有生耶從空生耶我今等象實未能了願為解說得釋所疑天尊告曰辯才真士善哉斯問子今復座當為子說生死根本從空而生亦從有生從內而生亦從外生從鼻而生亦從舌生從眼而生亦從耳生本无從生亦從心生何以故心法空故心法既空无明亦空无明既空貪愛亦空貪愛既空生死亦空生死既空眼法亦空眼法空故耳法亦空耳法空故鼻法亦空鼻法空故舌法亦空舌法空故内外亦空内

1014 1.4.11-2

外空故空有亦空以是因緣生死根本從空而生又語辯才空法本空心法亦空云何空法生心法空心法既空從空生心是則東方本空生西方空既知東方本空不生西方空當知空法本空不生心法心法既空不從空生當知心法法相本空不生无明既知无明本空不從心生當知无明本空不生貪着既知貪着本空不從无明當知貪着亦空不生愛見既知愛見本空不從貪着當知愛見亦空不生心法既知心法本空不從愛見當知心法亦空不生眼法既知眼法本空不從心生當知眼法亦空不生耳法既知耳法本空不從眼生當知耳法亦空不生鼻法既知鼻法本空不從耳生當知鼻法亦空不生舌法既知舌法本空不從鼻生當知舌法亦空不生內法既知內法本空不從舌生當知內法亦空不生外法既知外法本空不從內生當知外法亦空不生有法既知有法本空不從外生當知有法亦空不生空法既知空法本空不從有生當知空法亦空不生生死既知生

死本空不從空生當知生死亦不生一切有為煩惱以是當知有為生死眾生飄浪如虛中雲如空中色如谷中響如水中月如鏡中像如熱中炎如電中火如擊中聽如盲中視如啞中言如二頭鶴如三足鷄如龜中毛如兔中角中是無明貪着愛見生死之本亦復如是畢竟皆空不可論說譬如燈滅不可尋求生死本空亦復如是如大猛火如四毒蛇不可親近生死之法亦復如是子等當復作如是觀乃得无為出離生死於是辯才等眾聞是要言歡喜踴躍數未曾有於是大眾同聲稱善而說偈言

無上大慈尊 善巧說真相
世間煩惱本 即无上慈因
眾生未能了 故說斷貪瞋
若知本非有 生死即道場
无明性永滅 煩惱諒風聲
慧眼常清淨 法見明重昏
本來無二相 虛妙信開緣
若能辯無二 三界不思議

執心在真相 道場善貪瞋
種子未曾滅 芽莖實不生
先有不從因 先无何所生
三時辯生法 種子實非因
自體未曾有 芽莖何所從
辯才无上士 善語生死因
大悲諒无盡 為眾悉數陳
无明與生死 譬如空谷聲
瞽盲所聞見 世間實不然
智者觀生死 猶如大幻師
土梗何曾走 木雞詎翔空
若能明斯趣 一切不思議

爾時天尊歎大眾言善哉善哉汝等今眾聞希有法體了真相實如所陳乘我今日宣語將來一切眾生令得曉了與今无異爾時大眾稽首稱善
辨邪正品第三
爾時普等真人即從座起前進作禮上白天尊我自思惟天尊身相光明擬持微妙難思如金剛王摧折一切智慧明了結習永除端

然獨步不思議城我今欲問未敢自陳願垂
大慈賜示儀軌修行階級其義云何使將來
世得見正真

天尊告曰善哉善哉普等真士善能利益將
來眾生能發斯問開悟愚蒙子今復座吾當

為說凡所問者具有二種一者正問二者邪
問若正問者與道為親若邪問者是魔眷屬
普等又問何等為正何等為邪

天尊告曰若人作為問無為故問名為邪
問非有為問非無為問名為正問若人見生

故問見滅故問名為邪問不見生問不見滅

問名為正問若人見住故問見壞故問名為
邪問不見住問不見壞問名為正問若人見

罪故問見福故問名為邪問不見罪問不見
福問名為正問若人見淨故問見穢故問名

為邪問不見淨問不見穢問名為正問若人
見是故問見非故問名為邪問不見是問不

見非問名為正問若人見親故問見疎故問
名為邪問不見親問不見疎問名為正問若

人見空故問見有故問名為邪問不見空問

不見有問名為正問若人見苦故問見樂故

問名為邪問不見苦問不見樂問名為正問
若人見聖故問見凡故問名為邪問不見聖

問不見凡問名為正問若人見善故問見惡
故問名為邪問不見善問不見惡問名為正

問若人見施故問見盜故問名為邪問不見
施問不見盜問名為正問若人見持戒問見

破戒問名為邪問不見持戒問不見破戒問
名為正問若人見長故問見短故問名為邪

問不見長問不見短問名為正問若人見貴
故問見賤故問名為邪問不見貴問不見賤

問名為正問若人見得故問見失故問名為
邪問不見得問不見失問名為正問若人見

邪故問見正故問名為邪問不見正問不見
邪問名為正問若人見問故問不見問故問

名為邪問不見問問不見不問名為正問如
是等類皆有邪正邪正所有皆從心生心之

所生皆是顛倒非有見有非無見無非生見
生非滅見滅非住見住非壞見壞非罪見罪

非福見福非淨見淨非穢見穢非是見是非

非見非非親見親非疎見疎非空見空非有

見有非苦見苦非樂見樂非聖見聖非凡見
凡非善見善非惡見惡非施見施非盜見盜

非持見持非犯見犯非長見長非短見短非
貴見貴非賤見賤非得見得非失見失非邪

見邪非正見正非問見問非見見見如是諸
見皆悉虛妄如幻如夢死一真實何以故諸

法无心有心見法名為邪見若人能知諸法
无心不起心見是名正見是當知有心問者

皆為邪問无心問者乃名正問以是義故我
今不令一切眾生斷滅煩惱而得真相但欲

度諸妄想眾生故說煩惱真相二義實无生
死可得真相所以者何諸法清靜本无二相

无所往來是故我今不令眾生斷滅煩惱乃
得真相雖說煩惱實无煩惱之可斷滅雖說

常樂亦无常樂之可欣慕既无煩惱是故眾
生不失真相既无真相是故我今不捨煩惱

若復有人於末世中能發此念體解正真是
名大樂修真正行於是普等聞斯說已心大

歡喜告諸大眾无億數人同體无為俱入正

真爾時聖行大士白天尊言於未來世若有衆生於諸法中生有見心是則大道永沒不行於世若見三清是清淨境心所欣慕如此人者求劫備功不得解脫所以者何三清境界名為寂滅遠離諸塵不受諸愛若有見心

則墮邪見非修正行名為永失无上法邪於是天尊歎聖行言善哉善哉實如所言聖行真士宿植德本明了實相通達无礙故於今日為衆決疑真為深要若復有人於諸法中生有見心捨於穢土求三清樂捨衆生身求

真道相欲斷煩惱而入无為求離諸見乃得寂滅如是等相我說此人名大邪見憎慢之人譬如愚人畏於天地而欲走避所至之處不離大地衆生亦爾畏生死身殊捨三界有心獸離所得之身不離生死如是衆生未能

見法求真道相深實可哀真道相者名為不作无所起滅非有非无非長非短非大非小非色非心能體此相名為修習真道正行語聖行世間衆生无明障重真道在身真能觀見譬如愚人東西馳走覓虛空色而不能見

即是空一切世間亦復如是心性馳騁欲求真道不知身心即是真道譬如愚人但見竹木而不知火捨木求火而不知火已在木中一切世間亦復如是捨身求道而不知道已在身中捨木求火譬如愚人捨形求影

聲求響而不知形是影根聲為響本以是當知世間邪見煩惱熾盛猶荆棘林如蒺藜園不可親近汝等今衆乘我今日宣示將來令知三清不離煩惱令知大道不在他方但觀身心修習正行自然解脫永離煩惱常處三

清子善思惟自然安樂於是聖行又復白言大德天尊云何說言一切衆生即是真道而復告命修習正行乃得安樂若其是道何須修習猶如羽鳥何須習飛譬如鱗族何須習水雲昇雨降不關習學若諸衆生已是真道

何須修習而得安樂願為解說得釋所疑天尊答曰聖行真士善哉斯問如我向言真道衆生如木中火非一非異非即非離即木有火而木非火離木無火而火非木木非是火故云非一火不離木故云非異以是當知

衆生真道非一非異非即非離即生有道而生非道離生无道而道非生非是道故云非一道不離生故云非異以是當知若欲求火於木中求不於木中求若欲求道於身中求不於他求於米求火他方求道假使力能

移山功能竭海力之彌動功之殊妙終劫行之去道逾遠是故我今告諸衆生若欲求火當須人功備其鎖具運動力手然後見火衆生學道修習正行亦復如是當以善功備其種智觀此身中運動心神然得見道以是之

故我今衆生修習正真乃得安樂羽空鱗水亦須運用而得昇降空行水去真道衆生不以為類雲昇雨降无識无心不關習學如斯等類並是世間不比真道子善思惟自當得解於是聖行又復白言大德天尊衆生求道

於身中求不於他求身中空邪他方有邪天尊答曰聖行真士三十六問名為邪見聖行又問大德天尊見木有火見水有水見水無火見木無水邪天尊答曰聖行真士為諸未悟隨順世間聖

行又問大德天尊冰有火耶水有水耶
天尊答曰聖行真士於虛空中見衆色像聖
行又問大德天尊於冰求火於水求水斯見
慶邪

天尊答曰聖行真士見身求道滅諸有為求
得解脫斯非是慶若求真道但自觀身若求
虛空但觀諸有觀身實相道從身生亦從心
生從眼耳生從鼻舌生從四大生從百體生
觀物真相空從天生亦從地生亦從我生亦
從他生從水花生從草木生從十方生從萬
物生以是義故我說此經度微塵衆而未嘗
見有一衆生得受度也何以故我眼既空衆
生亦空空无分別空故是故我眼智慧
明淨能觀一切通達无礙觀諸三千大千世
界過去未來一切衆生悉已受度以是因緣
我說空中具足一切无量色像於是聖行并
諸大衆聞說要言俱起作禮而說偈言

具足一切智 善哉奇特尊
說今微妙法 邪正甚分明
顛倒生取捨 正真非有元

心法非本有 有心虛妄生
善巧順諸有 有滅齊正真
正真无復相 煩惱實本空
衆生不異道 諸見悉无為
有心欲除斷 大行永不行
三清非遠妙 寂滅在宵襟
若起有心見 患牙永消摧
天尊說此類 名為憎慢人
猶如畏大地 疾走欲藏身
縱日馳千里 非地不容身
厭身欲求道 見道不忘身
存身去道遠 生死反成親
至真无起滅 大道離斷常
若有體斯妙 名為修正真
衆生由障重 失道唯見身
將身欲求道 觀色不知空
譬如愚見木 不知火所從
影響非殊遠 形聲是本源
邪見生煩惱 蕪穢荆棘叢
有見生毒害 傷身何異斯

大乘妙林經卷上

三清即煩惱 大道諒我身
猶如木中火 鑽具及人功
積善求真道 安樂會正真
說經度一切 算數不能量
照本元來去 受慶悉虛陳
虛空諒无際 衆生何所依
我眼本清淨 通達了大千
未來及過去 見在盡微塵
久於无量劫 悉已會正真